

Ka rep Saru (Riewhadem) ha Jaiñtia Hills District

(Ka spah bym ju rngad ka don ha khyndew)

Ka hiran iohkam kaba ktah ia ki samla

Ym lah ban len ha kine ki sngi bun na ki samla pule ha ka jylla ki hap ban mad ia ka jingjynjar jong ka jingkyrduh kam kyrduhjam bad bun ruh na ki samla kiba la pyndep ia ki kyndan bapher bapher ha ki kyndan pule bapher bapher ki hap ban shong khlem kam khlem jam. Ka jingkylli ka mih hangne, hato? ka sorkar jylla ka lah ban ban aikam aijam ia baroh ki samla kiba la pyndep ia ki kyrdan pule kiba kham shalor. Lah ban ong ka long kaba eh ba ka sorkar kan lah ban ai kam ai jam namar ba ka jingroi jong ka jingbun paid ka la dang kiew katba dangmih ki sngi bad ki por.

Ynnai ia kren lei lei ia ka lawei jong ki khynnah pule kiba dang don ha ki skul ha kaba peit shi synpeit la i duh jingkyrmen, namar khamtam kum ha ka Nongbah Shillong bad wat ha ki jaka nongkyndong ruh ha kine ki sngi tang kawai ka skul pule ka la don da ki hajar ngut ki khynnah pule. Ban ia kren lei lei ia ki samla kiba la pyndep tang ia ka degree level ruh da ki phew hajar ngut ki dang don kiba shong khlem kam khlem jam ha kaba ka sorkar kam lah satia ban ai kam ai jam. Lah ruh ban ong ba ka long shisha kaba shem jingeh ba baroh ki samla pule kin ioh ia ki kam sorkar kiba ha kine ki sngi tang ia kawai ne ar tylli ki post ki nongthekpam ki la kot da ki hajar ngut.

Ka long pat kaba sngewsih ban ioh sngew ne tip ba ka jylla jongngi ka dang duna ia shibun ki samla kiba la pyndep ha kiwei pat ki kyrdan ha kaba dang don ki kam ba ki brieuw na ka jylla kim pat lah ban trei ha kaba la hap ban wan na ki brieuw kiba shabar ka jylla kaba buh ia ka jingduh jingkyrmen ia ki khun samla ka jylla. Lah ruh ban ong ba wat lada ka sorkar kam lah ban ai kam aijam ia baroh ki samla kiba la pyndep ia ki kyrdan kiba kham shaneng, hynrei ka sorkar ka donkam hi ban shim khia na ka bynta ban thaw ia ki polisi bapher bapher kaba long shi bynta kum ka jingplie lad plie lynti ia ki khun samla ha ka ioh kam ioh jam.

Ryngkat ki Polisi ban pynrunqkam ia ki khun samla la donkam ruh ba ka sorkar kan thaw ruh ia ki lad jingiarap na ka bynta ki khun samla da kaba iarap lyngba ki skhim sorkar bapher bapher, khang ba na ka bynta kito ki samla kiba ym donkam donjam ka long ka lad ka kaba ia ki ba kin lah ban ieng ha la ki jong ki kjet. Lada phai ruh ha kine ki sngi lah ban kubur ruh ba ka long shisha ki sngi ba la kyrduh ia ki kam ki jam, hynrei ym lah pat ban len ba dang bun ki kam ki jam ba la hap ban wan trei da ki bar jylla. Kum ka nuksa tang ia ka kam tei ia ki jingtei kiba kham heh kiba donkam ia ki kor ki bor la hap ban wan rah ia ki brieuw kiba nabar namar shem jingeh ia ki samla kiba la tbit ban trei wat kum ha akitei ki jaidkam ruh.

Bun ruh na ki samla ki dang lehrain ruh ban trei ia ki kam kiba kham poh namar ba ki don ka jingsngew ba ka kyrdan kaba ki pule kam iahap shuh ia ki kam barit baria. Hynrei bunsien pat ki samla kim juh phoehsnew da kaba trei ia ki kamrit kam ria ruh ka long kawai na ki lad ban aikam ia ki samla ba kin lah ban ieng hala ki jong ki kjet. Kajingkylli ka mih ruh hangne, balei ba ka jylla jongngi ka jyllei da ki mynder ha baroh ki bynta jong ka nongbah Shillong ne wat sha ki jaka nongkongdong, ka daw kaba kongsan ba bunsien ngi ki kum ki samla ngi don ka jinglehrain ban trei ia ki kam rit kam ria. Bunsien pat lada jyllei ki bar jylla ngi ia ud bad ngi ia kynshi ba ka sorkar kam shim khia ban iada ia ki mynder.

Khatduh eh, kum ki samla kiba la shai bad kiba la nang la stad ngi dei ban don ia ki buit ym tang ban shu ia pyrta ba ym donkam donjam, hynrei ngim dei ban shlur ban trei la ha kino kino ki kam baheh ne barit. Dei tang lada ki samla ki don ia ki mynsiem ban trei bad ban tip lut ia baroh ki jaid kam lah ban kyntiew ia ki khun samla ha ka ioh kam ioh jam ne ka long ruh ka lad ba ngin khanglad ia ki mynder kiba thmu ban wan rung sha ka jylla lada kum ki samla ki tip lut ia baroh ki jaid kam.

Bah D.Lamar M.Sc(Agri) CER (GIS & RS)

Ia Saru ne riewhadem la rep ha Jaiñtia Hills naduh ki por ka mynnor ka mynshem naduh hyndai hyntai. Don shibun shibun jait ki sara kiba ki nongrep ki la thung bha kum u sara walieh, u sara wastem, u sara kyndong, u sara thlah-khmat, u sara khroh, u sara sootang, u sara pnah (walieh/waiong), u sara khian u sara pyrthu (walieh/waiong) bad kiwei kiwei. Kine ki jait sara (maize varieties) ki don la ka jong ka khana ne ka jinglong tynrai bad dei halor kane ka tynrai ba la ai kyrteng ia ki sara thlah khmat la ai kyrteng kumne namar u don ki shyieng symbai kiba ring sti bad ngam shapoh u tyllong ne u skop. U sara khroh pat u don ka jinglong ba ki shyieng symbai ki pyndap tang marshiteng ia u tyllong ne u skop. U sara sootang u don ia u skop uba sop rong saw bad u sara khian u don ki sara kiba ri bad kiba klooi ban ih. Tang hadien 7 hadien 9 taiew ei ei la ioh ban kheit ia v. u sara pyrthu (walieh) u don ki shyieng symbai kiba rit bad ba lieh ka rong. Ynda sdieh ia une u sara pyrthu (pyrthiew) ngin ioh ia u jingbam uba la tip kum u Pop Corn. U sara pyrthu (waiong) u iapher na u sara pyrthu (walieh) tang ha ka rong. Kiba bun hi ki nongrep ha kane ka district ki dang ia thung bha ia kine ki jait syrsbai sara wat la mynta ki don ruh kiba la thung da ki symbai sorkar kum u Vijay Composite (HY V), ki symbai hybrid bad kiwei kiwei.

U riewhadem u long u jingthung uba jan manla ka thliw iing kim ju pep ban thung khamtam ha ki kper ki phrah jong ki nongrep. Ha nongbah Jowai, 30 ne 40 snem mynshwa ki brieuw ki iathung bha ia une u jingthung bad ngi dang iohi hi ia ki dak ki shin hangne hangta. Hynrei na ka jingroi stet ki brieuw, ka jingdawa ia ka jaka ban shna iing shna-sem bad ka jingkylla sor ki shnong ki thaw. Ka thung riewhadem ka la duna shibun. Ka iew long kumne namar ba ia une u jingthung la thung tang ha ki kper kiba don marsyndah ing bad ym shim la thung ia u ha ki kper kiba dei ki jaka ba kyrpang, kiba heh bad kiba la pynjanai kumba la leh ia ki diengsoh, u kba u kwai u tymeip u riewhadem watla u long u jingthung uba ki jingthung uba ki nongrep ki sngewtynnad ban thung hynrei ym shym la niewkor than eha u kumba la niewkor ia u kba. Kumba ha ka liang ka jingniewkor da ki nongrep u riewhadem u wan hadien u kba. La thung ia u manla uy snem tang kum ka jingmlien namar ba la pynhakai ki longshwa manshaw bad ki nongrep kim da pypyra ne khuskai lau bha ne u snew. Lait na ka thiew niut bad ai kyndew, ki nongrep kim phikir ban sumar ne iada ia u jingthung kumba ki ju phikir ia kawai pat ki jingthung. Watla ka long kumta ruh, ka mynsiem ki nongrep kam lah khlem da kmen haba ia ioh ia u jingthung ba u lah p'tha (sdang bah soh ne bah khun) bad ki jawdud ban pyrkhant ba shen kin sa ioh ban kheit khnang ban phon ne shet syrwa ban bam ki khun ki ksiew ia ki sara kiba bang bad ba shngiam.

Haduh mynta ki brieuw kame ka district ki dang ia thung saru tang ha ka jaka bad ka kper jong ki ia kaba la baha ong ba dea tang ka rep rep tung (kitchen garden). Ym pat don ki longiing longsem ne ki shnong ki thaw ki ban wan sha khmat ban rep ha ka jaka ba heh ba iar ka ban lah shisha ban ong ba dea ki rep sara ne rep riewhadem. Ka rukom thung pat ka dang iaid hi kum ka thung ne rep-pong-rim. Kata ka long da kaba thung hadien 5-6 tylli ki symbai ha kajuh ka thliw ryngkat bad u symbai pathaw, u symbai toh (presbin) bad kiwei kiwei. Ia ka jinglut jingsep ne jingmh pisa na kaba die ia u ym ju khm don ki ban buh jingkhein tang ba la ioh ban kheit shisien arsien, usla pathaw ban ioh ai bam sngiam, u presbin shisien arsien shet, kieh kieh baroh ki lah biang Lada pahuh ban ioh ai sngewbha ia ki para marjan marpa ne ki kha ki man, ka mynsiem ka lah hun. Haduh mynta ym pat don ki ban rep ia u sara ban pynlong fa u kum u mar khm ban kamai bad ioh pisa shibun.

Naduh u bnaui march/april haduh u bnaui june/july bad katba dang long u jingthung, ia ka jaka thung sari la iohi ym shuh kum ka kper hynrei la kum ka khlaw tang u niut u niel bad u pathaw u presbin uba pur bad kyllai ia u jyntang riewhadem. Hadien ba la kheit lut ia ki sara ba la tyrkhang ban ioh symbai ne thang ban buh symbai ki khmat kim kynmaw shuh ban peit ia kper. Sa tang ki sла pathaw ba jyrgam kiba tap lut ia ka kper katba ki jyntang sara pat ki ieng tynkrein khlem phoida te shuh shuh bad sa ban shu fap stai noh. Shen ki ngap ki sdang ban ia bunkum na uewi u syntiew rong stem sha uewi pat ban pyndep la ka kamram ba la bthah U Kynrad, ban pynshongka fa kine ki syntiew (pollinate) la kum ki rangbah niam. Hadien katto katne por sdang ban mih soh pathaw barit bad suki soki kine ki nangheh nangheh katba nangmih ki sngi ki taiew .

Na ka jingshat ki kjet sngi bad jingaid ka por, ka rong jyrgam ka kylla sha ka rongstem, ki dak ba ki pathaw ki lah iu. U nongthung kum u trai, ki khmat sa shisien pat sha la kper u phai ban leit kheit ia kine ki soh khnang ba kin ym pyut, u rah bad buh ia ki halor ka sem-sniang, semi-syar ia ha khrum iing ban ioh ba jalade ne ban shet jhur ban ai bam sngiam. Kane ka por ka kote shaduh ki bnaui tlang ki bnaui kjam bad ha kiba bun ki longiing ymju kynmaw shuh ia ka kper kat haduh ban wan por biang ka samoi thymmai .Ha kane ka rukom ka rep riewhadem, ne ka por thung riewhadem ha kane ka district ka poi sha ba kud tang shisien shisem, khlem da khein ia ki jinglut, ka jingmh bad ka jingkhon. Ka por ka lah leit bad ka jaka ruh khlem da ioh pyndonkam bha. U riewhadem pat uba la lum la lang u long tang ban kam ki khlem tip ia ka jingdawa bad kumuno ban tyngkai na ka bynta u bynrew kumjuih ia ki jingri jingdup. Ngi dang tip ban pyndonkam ia u tang kum ka ja wasngi ha kiba bun kikhep, haba leit pynthor leit bri bad kane ka dew ka daw ba ia ka jingbymkithia jong ngi ban rep kham bun haduh ban da ioh buh thup buh thiak kumba long u kba u khaw. Kane ka jingthung ka don ka thong ban iathuh, ban pyntip bad ban pynsgewthuh halor ka jingdonkam kyrkieh ba ngi dei ban pynheh ia ka rep sara ka rep riewhadem. ha Jaiñtia Hills. Kat kum ka Statistical Handbook ne ka khana samari (2005), don kumba 571 tylli ki shnong nongkyndong ha ki san tylli ks Block Office jong ka district. Hynrei ia u riewhadem la thung bun eh tang ha Thadlaskein . Ka Laskein bad ka

Khliehriat Block . Don tang katto katne tylly ki shnong hapoh ka Amlarem bad Saipung Block kiba thung ia u riewhadem. Nalorkata ym baroh ki shnong kiba don hapoh kine ki Block ki iathung ia une u jingthung bad kiba thung ruh ki thung tang ha ki kper kiba rit. Kumta ka jaka ba la pyndonkam ha ka thung riewhadem ka long tang kumba 2 2876 hectare bad ka jingmh na ka shi hectare ka jaka ka long kumba 1179 MT Ka jingmh baroh (total production) ha ka snem 2004-05 ka poi tang kumba 3390 MT. Kane ka jingpymh riewhadem hapoh ka district ka long kaba dang duna shaba palat haba ia nujor bad ki jingkhein kiba don na ka bynta ka jylla bad ka kham duna shuh shuh lada peit. Ia ka jingkhein jong ka Ri India baroh kawai bad kumjuih ka long ruh hapoh ka jingpymh riewhadem kiwei ka district ka Jylla kum ka West-Garo Hills, East-Garo Hills, Ri-Bhoi, West Khasi Hills bad West-Khasi Hills. Ha ka jingshisha ka jaka kaba la pyndonkam ha ka thung riewhadem ha Jaiñtia Hills ka kham heh ban ia kaba la pyndonkam ha Ri-Bhoi bad East-Khasi Hills. Kumta la dei ban tip ia ka daw ne ki jinggeh jong kane ka jingsahdien khnang ban ioh kyntiew ia ka rep riewhadem sha ka kyrdun jong ka jingmynto ym tang fa. ki nongrep hynrei ia kiwei ruh ki jait kam kiba don jingadei bad u riewhadem.

Ka jingwad bniah ban tip ia ka jingkhlaiai ka Jinglot, ki lad ki kaba bad ki jingma kiba don ha ka rep sara ka pynpaw ba ka district to don ssibun ki jinglong ki ban pynlong ia ka kaba bit ban rep kham bha ia une u jingthung. Ki don kyndiat ki jinglot kiba mih ym na ka jinglong jingman ka kyndew, na u slap ne ki khnang hynrei na ki nongthung ne ki nongrep hi. Don shibun ki lad ki lynti ki ban kyntiew ym tang ia ka jingpymh hynrei ki ban kyrdun ruh ia ka jingroi ha kiwei pat ki jait kam. Ki jingma wat la ki duna hynrei ki don pat ka jingkta ba radbah ia ka district.

1. Ka jingkhlaiai (Strength) : Ka district ka don ia ka jinglong ka suisn bneng, u slap, ka kyndew bad ka jingshit jingkhriat kiba bit ban thung ia u riewhadem. Ki don shibun ki jaka lum kiba laba ban pynkilla sha ki jaka -rep namar ia u riewhadem lah ban thung ha kano kano ka jait kyndew tangba kam dei pat ban long kaba shong um, kaba jur ka jingjew (acidic) bad ki dei ban long kaba pynlong ka symbai kaba paka da kaba sdien ha jrong ne ha tyngier hynrei ki tip ruh ia ki rukom kumno ban tyngkai ia kine ki symbai kum kaba ieh lang khnang ban ioh pyndonkam ha ka por ba duna jingbam ha ka dur u sarwa-chlang.

Ki jingri jingdup ha ka district kum ki sngiang, ki masi bad ki syiar ki kyrdun bun ki mas: bad ki syiar ki kyndut bun namar tra kai im jai am iak ia k. Ha ki bnaui tlang ia ki masi ki shu dot rai ne pynlait sha lum sha raha ba kin leit wad ia ka bnaui khlem da don ki nongsharai. Kane ka long kumjuih ia ki syiar ki sngiang. Kat kum ka khana samari (2005) jong ka district, ka jingdon ki masi ka long 14,914 tylli, ki sngiang ka don 47,427 tylli bad ki syiar pat ki don 2,36,091 tylli kiba donkam bha ia ka bnaui kaba biang.

2. Ka jinglot (Weakness) : Ka kyndew ha Jaiñtia Hills ka don ia ka jingjew (acidity) kaba jur katba u riewhadem u long bha ha ka kyndew kaba shu long pdeng ka jingjew lane ha ka (pH). Ka jingew palat ka tktah bha ia ka jingmh soh ne jingbh kum namar kiba bun ki nongrep kim tip kumno ban pynduna fa kata ka jingew lane kum ju ha ka kyndew khnang ban pynbha ia ka.

Ki nongrep kim ju poi pyrkhant ruh ban thung shibun u sara namar ym ju don satia ki iew ki hat ki ban ai mynsiem ia ki ban rep khan bun lait noh tang kito ki iew thohnut thohnut ne ki law-rud-surok kiba don tang ha ki katto katne ki bynta jong ka National Highway-44, Watla ka don ka jingpda kaba heh bha la u sara kum uwei na ki jingbam ba kham kongsan ia ki jingri ki jingdup, hynrei ym pat don wei ruh na ki hehspah ka district (local entrepreneurs) ki ban klooi ne ki ban pyrkhant seng noh ia ki karkhana tylliat jingbam (feed mills). Lada yn seng noh ia kum kine ki karkhana ha ka district jongroi , (sustainable industries), kan iarap shbun ia ki nongshong ka shnong jong ka ban lait na ki kum pynjulor ia ka mei mariang ka mei ramaw kaba ju bsa bad ai bai aha ia ki. Kane ka long kum ka jingkyrap bad ka jingpyrta ion ia ki waheh-spah ban iarap ban kyntiew lem ia ka ioh ka kot ia ki duk ki rangli ka district

3. K lad ki kaba (Oppurtunities): Ka lad kaba nyngkong bun iarap ta ka jinglah ban pynmih sara

kham bun ka long da kaba bud ia ka rukom thung ba kham janai lyngba ka Maize Production Technology. la ka thung bad khleh lang u sara ryngkat bad ki pathaw ne ki presin .

Ka lad kaba ar ka long bn pynheh shuh shuh ia ki jaka rep (area expansion) bud kaba lai pat ka long ban pynbun fa ka jingmh u sara da kaba thung arsien ha kajuh ka jaka bud ha u juh u snem (Cropping intensification) Namar ba ym long ban thung ar sien da ki symbai tre-ri lah pat ban pyndonkam da ki Hybrid Technology Ha ka sien thung kaba arsien ki nongrep ki lah ban thung da ki symbai Hybrid ne symbai kiba pynmih soh arshah. Ka jingjop ha kaba thung ia u Hybrid Corn 8824 bad u symbai ha Laskein Block ka la pynkrik bad pynpeit mat ia kiba bun ki nongrep katei ka thaai.

Ka lad kaba saw ka long ba ki nongrep ki dei ban tip ba ha ki Jylla bad k Ri kiba la kham paw khmat ia u riewhadem la thung na ka bynta kiba bun jait ki jingpymh (products). Ka Maize Product Diversification ka iathuh ba u nongrep u dei ban buh jingmut lypa ia kaei kaba u thmu ban pynmih kum ia Baby corn (khan sara). u Pop corn (sara pyrthu), u Corn cob (sara im) ia u Grain corn (sara tyrkaw). Ka lad kaba san ka dei shaphang ka jingpyndonkam ia u sara Ka Maize Lilization Technology ka iathuh ba ia u riewhadem la pyndonkam ha kaba shna ia ka jait jingbam, jait jngdih bad ki Jait dawai kiba bun. La shna ia kita ki formulated feed (jingbam ia ki jngri, ki wet milling product ki nian ban pyndonkam ha ki kharkhana thaifai jai) kum u corn starch, ki sweetener product (ki jait mar ban pynthiang) kum u corn syrup, dextrose, high fructose Corn syrup (HFCS) bad ki corn oil. La shna ruh ia ki Food Product (ki mar bam) kum u ruti, u corn flake, ne corn flour, cake bad kiwei kiwei. Ki jait jngdih pat kum ka beer, ka wain bad ka kiad bad ki jait ki dawai khlaiai ne vitamins ba la tip kum ka Riboflavin (B2) bad ka Cobalamide (B12) la shna ia ki da kaba pyndonkam ia u Dextrose bad ka Corn syrup kiba la saini na u riewhadem. la ka Bio-fuel ethanol) la saini ruh na u sara.

Ka lad ne ka kaba kaba khatduh bad kaba donkam tam eh ka dei ban pynroi bad pynheh pyniar ia ka kam ri jingri. Kane ka farap ban kyntiew ym tang ia ka jingdawna sara hynrei ka plie ruh ia ka lad ka lyntu ban kyntiew sa ia kiwei pat ki jait kam kum ka ri syiar ri sngiang, ka ri masi khem-dud bad kiwei kiwei ki jingri ki jingdup (Integrated Farming). Ka ri jingri ha Jaiñtia Hills kam pat da paw pyrthei namar ia ka kaba bun ka bam la hap ban thied ne shalan na shabar ka district. la kane ka jingeh lab weng da kaba suk lada ki heh spah kin klooi ban plie lab plie lynti da kaba seng ia ka karkhana ryngkat ne jingiasoi ia ka soskular bad ki nongrep (MOU) thung sara maphi ki nongrep bad ngin sa thied kylla ne ka buy-back-policy.

Lada nongrep bad ki heh spah kin pdiang fa kine ki jingai jingmut kan ym slem shuh ka por ba ki leh thohmut thohmat ne ki law-rud-surok kin duh kin dam bad kane kan long ka burom kaba khraw ia ka Jaiñtia Hills bad um lut ia ka jingduh jinghiran khlem randien). Kane kan plie lab ruh ia ka khun sanla khlem-kam-khlem-jam. Ka jingma kaba lai ka long ba dei tang u nongrep uba duk uba ju rep bad khein kor bha ia u sara.

4. Ki jingma (Threats): Ka jingma kaba nyngkong eh kaba long u maw jyntuh ha ka jingrep ia u sara ka dei ka jingbym kheinor ne ka rukom kheinor khuswet ia une u jingthung na ka daw ka jingbymtip ia ka jingkordor jong u. Ka jingma kaba ar ka ban nang py